

大智度論

第五十三

二百十三

形三

488/89



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置

大智度論卷第五十三

形

龍樹菩薩造

姚秦三藏法師鳩摩羅什譯

釋無生三觀品第二十六

尔時慧命舍利弗語須菩提菩薩摩訶薩行
般若波羅蜜觀諸法何等是菩薩何等是般
若波羅蜜何等是觀須菩提語舍利弗汝所
問何等是菩薩為阿耨多羅三藐三菩提是
人發大心以是故名為菩薩亦知一切法
一切種相是中亦不著知色相不著乃至知十
八不兵法亦不著舍利弗問須菩提何等為
一切法相須菩提言若以名字因緣和合等
知諸法是色是聲香味觸法是內是外是有



為法是無為法以是名字相語言知諸法是
名知諸法相如舍利弗所問何等是般若波
羅蜜遠離故名般若波羅蜜何等法遠離遠
離衆界入遠離檀波羅蜜乃至禪波羅蜜遠
離內空乃至無法有法空以是故遠離名般
若波羅蜜復次遠離四念處乃至遠離十八
形 大智度論卷五十三
不共法遠離一切智以是因緣故遠離名般
若波羅蜜如舍利弗所問何等是觀舍利弗
菩薩摩訶薩行般若波羅蜜時觀色非常非
無常非樂非苦非我非無我非空非不空非
相非無相非作非無作非寂滅非不寂滅非
離非不離受想行識亦如是檀波羅蜜乃至

般若波羅蜜內空乃至無法有法空四念處
乃至十八不共法一切三昧門一切陀羅尼
門乃至一切種智觀非常非無常非樂非苦
非我非無我非空非不空非相非無相非作
非無作非寂滅非不寂滅非離非不離舍利
弗是名菩薩摩訶薩行般若波羅蜜時觀諸
法問曰所謂菩薩義般若波羅蜜義諸觀義
上已問今何以更問答曰先已答大樹喻非
一斫可斫是事難故更問復次是般若波羅
蜜有無量義如曇無竭品中說般若波羅蜜
如大海水無量如須彌山種種嚴飾是故門
又此問雖同答義種種具復次諸佛新法愛

不立經書亦不莊嚴言語但為拯濟衆生隨
 應度者說如大清涼羨池魚量衆生前後來
 飲各飽而去聽者亦如是佛先說菩薩般若
 及觀前來者得解悟而去後來者未聞是故
 重問菩薩者菩提有三種有阿羅漢菩提有
 辟支佛菩提有佛菩提形魚大智度論卷五十三字智慧清淨無垢
 故名形為菩提菩薩雖有大智慧諸煩惱習未
 盡故不名菩提此中但說一種所謂佛菩提
 也薩埵秦言衆生是衆生為無上道故發心
 修行復次薩埵名大心是人發大心求無上
 菩提而未得以是故名為菩提薩埵佛已得
 是菩提不名為菩提薩埵大心滿足故菩薩

餘義如先廣說復次佛此中自說因緣是人
為佛道故修行知一切諸法相亦不著諸法
相者可以知諸法門是色是聲等略說菩薩
義先知諸法各各相如地堅相然後知畢竟
空相於是二種智慧中亦不著但欲度衆生
故菩薩得如是智慧一切別相法中皆得遠
離如色中離色離色即是自相空遠離者是
空之別名菩薩得般若波羅蜜於一切法心
皆遠離所以者何見一切諸法罪過故阿羅
漢秦言遠離波羅蜜秦言度彼岸此二音相
近義相會故以阿羅漢釋波羅蜜遠離何等
法所謂衆界入乃至一切智以遠離是諸法

故名般若波羅蜜如禪波羅蜜能調伏人心
般若波羅蜜能令人遠離諸法觀者不觀諸
法常無常等如先說

舍利弗問須菩提何因緣故色不生是非色
受想行識不生是非識乃至一切種智不生
是非一切種智須菩提言色色相空色空中

形大智度論卷五十三

三

無色無生以是因緣故色不生是非色受想
行識識相空識空中無識無生以是因緣故
受想行識不生是非受想行識舍利弗檀波

羅蜜檀波羅蜜相空檀波羅蜜空中無檀波
羅蜜無生尸羅波羅蜜羣提波羅蜜毗梨耶
波羅蜜禪波羅蜜般若波羅蜜般若波羅蜜

相空般若波羅蜜空中無般若波羅蜜魚生
以是因緣故舍利弗般若波羅蜜不生是非
般若波羅蜜內空乃至無法有法空四念處
乃至十八不共法一切種智亦如是以是因
緣故內空不生是非內空乃至一切種智不
生是非一切種智舍利弗問須菩提汝何因
緣故言色不二是非色受想行識不二是非
識乃至一切種智不二是非一切種智須菩
提答言所有色所有不二所有受想行識所
有不二是一切法皆不合不散無色無形無
對一相所謂無相眼乃至一切種智亦如是
以是因緣故舍利弗色不二是非色受想行

識不二是非識乃至一切種智不二是非一
切種智舍利弗問須菩提何因緣故言是色
入無二法數受想行識入無二法數乃至一
切種智入無二法數須菩提答言色不異無
生無生不異色色即是無生無生即是色受
想行識不異無生無生不異識識即是無生
形大智度論卷五十三
無生即是識以是因緣故舍利弗色入無二
法數受想行識入無二法數乃至一切種智
亦如是

問曰上品竟便應問不生何以此中方問答
曰三種大法易解利益多衆生故先問何因
緣故色不生為非色乃至一切種智不生為

非一切種智須菩提。空色是空。色中無色。相
行者以是無生智慧。令色無生。若能得是無
生心。作是念。今即得色實相。是故說色無生。
為非色。色性常自無生。非今智慧力。故使無
生。如有人破色。令空。猶存本色。想譬如除廁
作舍。今雖無廁。猶有不淨想。若能知廁本無
幻化所作。則無廁想。行者如是。若能知色從
本已來。初自無生者。則不復存色想。是故言
色無生。為非色。乃至一切種智。亦如是。問曰。
汝先自說無生。即是無二。今何以更問。答曰。
義雖一。所入觀門異。上言破因。中先有果。若
無果是生法。一異等是生。若初生。若後生。破

如是等生名無生今破眼色有無等諸二故
是名不二行者或先入無生觀門後入不二
或先入不二後入無生觀義雖一行者分別
破色二故言不二破色生故言無生上說無
生因緣謂自相空今說不二因緣所謂不合
不散一相所謂無相等義雖同一空上自相
形大智度論卷五十三
空此是散空色入無二法數者行者觀色不
生不滅相是時分別色今變為無生是故說
色無生即是不二何以故色破散即是無生
如先分別諸法時離色不得更有生今色破
散即是無生不得更有無生以是故色即是
入無二法數是二阿羅漢於佛前共論竟須

菩提白佛而更說是義欲使佛證知故
尔時須菩提白佛言世尊若菩薩摩訶薩行
般若波羅蜜如是觀諸法是時見色無生畢
意淨故見受想行識無生畢竟淨故見我無
生乃至知者見者無生畢竟淨故見檀波羅
蜜無生乃至般若波羅蜜無生畢竟淨故見
內空無生乃至無法有法空無生畢竟淨故
見四念處無生乃至十八不共法無生畢竟
淨故見一切三昧一切陀羅尼無生畢竟淨
故乃至見一切種智無生畢竟淨故見凡人
凡人法無生畢竟淨故見須陀洹陀洹法
斯陀舍斯陀舍法阿那含阿那舍法阿羅漢

阿羅漢法辟支佛辟支佛法菩薩菩薩法佛
佛法無生畢竟淨故舍利弗語須菩提如我
聞須菩提所說義色是不生受想行識是不
生乃至佛佛法是不生若尔者不應得須陀
洹須陀洹果斯陀含斯陀含果阿那含阿那
含果阿羅漢阿羅漢果辟支佛辟支佛道不
應得菩薩摩訶薩一切種智亦無六道六別異
亦不得菩薩摩訶薩五種菩提須菩提若一
切法不生相何以故須陀洹為斷三結故修
道斯陀含為薄婬恚癡故修道阿那含為斷
五下分結故修道阿羅漢為斷五上分結故
修道辟支佛為辟支佛法故修道何以故菩

形 大智度論卷五十三

薩摩訶薩作難行為衆生受種種苦何以故
佛得阿耨多羅三藐三菩提何以故佛轉法
輪須菩提語舍利弗我不欲令魚生法有所
得我亦不欲令魚生法中得須陀洹陀洹
果乃至不欲令魚生法中得阿羅漢阿羅漢
果辟支佛辟支佛道我亦不欲令魚生法中菩薩作難
行為衆生受種種苦菩薩亦不以難行心行
道何以故舍利弗生難心苦心不能利益無
量阿僧祇衆生舍利弗今菩薩憐愍衆生於
衆生如父母兄弟想如兒子及己身想如是
能利益無量阿僧祇衆生用無所得故所以
者何菩薩摩訶薩應生如是心如我一切處

一切種不可得內外法亦如是若生如是想
則魚難心苦心何以故是菩薩於一切種一
切處一切法不受故舍利弗我亦不欲令無
生法中佛得阿耨多羅三藐三菩提亦不欲
令魚生中轉法輪亦不欲令以魚生法得道
論者言魚生觀有二種一者柔順忍觀二者
形魚生忍觀前說魚生是柔順忍觀不畢竟淨七
漸習柔順觀得魚生忍則畢竟淨問曰菩薩
未盡結未得佛道智慧未淳淨云何言畢竟
清淨答曰是菩薩得魚生忍時滅諸煩惱得
菩薩道入菩薩位雖有煩惱氣坐道場時乃
盡無所妨故畢竟淨復次畢竟清淨者於柔

大智度論卷五十三

順道畢竟清淨非為佛道以衆生空法空故
從見色無生畢竟淨乃至佛及佛法無生畢
竟清淨須菩提種種因緣說諸法相決定無
生因此事舍利弗作是難賢聖中最小者須
陀洹須陀洹法最大者佛佛法若尔者聖人
無大無小聖法亦無優劣亦無六道別異此
略難後問斷三結修道者為廣難問曰云何
是五種菩提答曰一者柔順忍二者無生忍
及三種菩提於三菩提中過二而住第三菩
提復有五菩提一者名發心菩提於無量生
死中發心為阿耨多羅三藐三菩提故名為
菩提此因中說果二者名伏心菩提於諸煩

惱降伏其心行諸波羅蜜三者名明心菩薩
觀三世諸法本末揔相別相分別籌量得諸
實相畢竟清淨所謂般若波羅蜜相四者名
出到菩薩提於般若波羅蜜中得方便力故亦
不著般若波羅蜜滅一切煩惱見一切十方
諸佛得無生法忍出三界到薩婆若五者名
無上菩薩提坐道場斷煩惱習得阿耨多羅三
藐三菩提如是等五菩薩義餘諸賢聖斷結
義如先說問曰聲聞道廣說斷結義何以不
說辟支佛行菩薩有種種行答曰辟支佛於
聲聞無復異道但福德利根小深入諸法實
相為異菩薩道雖有種種衆行但難行若行

為希有事衆生見已歡喜言菩薩為我等作
此行餘行雖深妙人所不知不能感物故不
說復次如舍利弗難意若諸法都是魚生空
寂者一切衆生皆著樂菩薩何以故獨受苦
行復次諸佛常樂遠離寂滅斷法愛決定知
諸法不轉不還何故與衆生轉法輪須菩提
於佛前說魚生法佛不可折得快心樂說無
難力故舍利弗我亦都不欲令魚生法中
有六種聖人除菩薩故言六及六道別異何
以故以得魚生法證故謂為聖法聖人有差
別於魚生法中都無所有復次於魚生法中
有二種失屍失者殺盜等罪故有三惡道細

失者用著心布施持戒等福故有三善道若
菩薩生難心苦心則不能度一切衆生如世
間小事心難以爲苦猶尚不成何況成佛道
成因緣者所謂大慈大悲心於衆生如父母
兒子已身想何以故父母兒子已身自然生
愛非推而愛也生菩薩善修大悲心故於一切
衆生乃至怨讎同意愛念是大悲果報利益九
之具都無所惜持內外所有盡與衆生此中
說不惜因緣所謂一切處一切種一切法不
可得故若行者初入佛法用衆生空知諸法
無我今用法空知諸法亦空以此大悲心及
諸法空二因緣故能不惜內外所有利益衆

生不起難行想若行想一心精進歡喜如人
為自身及為父母妻子勤身修業不以為苦
若為他作則無歡心若行難行如後品本生
因緣變化現受畜生形中說一切諸法畢竟
空不可思議相故一切法還而不轉故不名
為轉但為破虛妄顛倒故名為轉法輪

舍利弗語須菩提今欲令以生法得道以無
生法得道須菩提語舍利弗我不欲令以生
法得道舍利弗言今須菩提欲令以無生法
得道須菩提言我亦不欲令以無生法得道
舍利弗言如須菩提所說無知無得須菩提
言有知有得不以二法今以世間名字故有

知有得世間名字故有須陀洹乃至阿羅漢
辟支佛諸佛第一實義中魚知魚得魚須陀
洹乃至無諸佛須菩提若世間名字故有知
有得六道別異亦世間名字故有非以第一
實義耶須菩提言如是如是舍利弗如世間
名字故有知有得六道別異亦世間名字故
形 大智度論卷五十三
有非以第一實義何以故舍利弗第一實義
中無業無報無生無滅無淨無垢舍利弗語
須菩提不生法生生法生須菩提言我不欲
令不生法生亦不欲令生法生舍利弗言何
等不生法不欲令生須菩提言色是不生法
自性空不欲令生受想行識不生法自性空

不欲令生乃至阿耨多羅三藐三菩提不生
法自性空不欲令生舍利弗語須菩提生生
不生須菩提言非生生亦非不生何
故舍利弗生不生是二法不散無色無
形無對一相所謂魚相舍利弗以是因緣故
非生生亦非不生今時舍利弗語須菩提
須菩提樂說無生法及無生相須菩提語舍
利弗我樂說無生法亦樂說無生相何以故
諸無生法無生相樂說及語言是一切法皆
不合不散無色無形無對一相所謂魚相舍
利弗語須菩提汝樂說無生法亦樂說無生
相是樂說語言亦不生須菩提言如是如是

舍利弗何以故舍利弗色不生受想行識不生
眼不生乃至意不生地種不生乃至識種
不生身行不生口行不生意行不生檀波羅
蜜不生乃至一切種智不生以是因緣故舍
利弗我樂說無生法亦樂說無生相是樂說
語言亦不生

形

大智度論卷五十三

十一

論者言今時舍利弗知須菩提樂說無難而
問言若一切法無生相此無生相云何證用
是生法得證為用不生法得證若用生法得
證生法虛誑汝已種種因緣破又不可以生
法得脫生法若已無生得證無生未有法相
不可以證云何得證須菩提二法皆不受俱

有過故如先說舍利弗作是念佛經說二法攝一切法若有為若無為生者有為無生者無為今須菩提離此二法云何當說得道事作是念已問須菩提無有得道事耶須菩提是大阿羅漢行無諍三昧第一但為菩薩故說是無生法汝云何當作邪見說無得道者是故言有知有得知即是得道果之別名須菩提恐違前語故言不以二法故但為世俗故說有須陀洹乃至佛何以故一切諸法實無我相今用我分別須陀洹乃至佛是世俗法復次未得法空故言是善是不善是有為是無為等第一義中無衆生故無須陀洹

乃至佛法空故無須陀洹果乃至佛道聖人
聖法猶尚虛誑無定實何況凡人六道業及
果報問曰須菩提已種種因緣定說不生法
今舍利弗何以故更問不生法生生法生答
曰須菩提上說得道因緣故舍利弗得須菩提
提意雖說不生法破一切法為因緣故說而
心不著無生法是故更問又以此法甚深欲
令聽者了了得解放更問上問得道行法今
摠問一切法云何生用慧眼知一切法皆不
生今現見諸法生是故問云何生須菩提答
二事皆非若生生法已生不應更生若不
生生法未有故不應生若謂生時半生半

形

大智度論卷五十三

十二

不生是亦不生若生分則已生竟若未生分
則無生故是須菩提不用是肉眼見以不通
達故二法皆不受但說是生如幻如夢從虛
誑法生應離應不取相舍利弗問何等法二
但不受須菩提以世諦故說色乃至一切種
智畢竟不生自然空相不欲令實中有生若
世諦虛誑可有生生如幻化此中說不生因
緣所謂不合不散有人言生與法異謂生是
常所可生法無常是故更問答者以生法不
異若說生法已說生相生不生如上說舍利
弗聞須菩提所說知須菩提心愛樂無生法
故語須菩提汝實愛樂說無生法須菩提即

受其問心亦無愧何以故是論議不可破無
有過罪何以知之須菩提自說無法可合魚
法可散魚色魚形空一相所謂魚相空相尚
不受何況餘相舍利弗重讚汝樂說魚生法
及語言皆魚生是實清淨若當樂說及語言
非魚生但說外物無生者則非清淨須菩提
即復受其讚形大智度論卷五十三答舍利弗非但樂說語言是魚十三
生色乃至一切種智皆亦魚所生

尔時舍利弗語須菩提須菩提於說法人中
應最在上何以故須菩提隨所問皆能答須
菩提言諸法無所依故舍利弗語須菩提云
何諸法無所依須菩提言色性常空不依內

不依外不依兩中間受想行識性常空不依
內不依外不依兩中間眼耳鼻舌身意性常
空不依內不依外不依兩中間色性常空乃
至法性常空不依內不依外不依兩中間檀
波羅蜜性常空乃至般若波羅蜜性常空不
依內不依外不依兩中間內空性常空乃至
無法有法空性常空不依內不依外不依兩
中間舍利弗四念處性常空乃至一切種智
性常空不依內不依外不依兩中間以是因
緣故舍利弗一切諸法無所依性常空故如
是舍利弗菩薩摩訶薩行六波羅蜜時應淨
色受想行識乃至應淨一切種智舍利弗問

須菩提菩薩摩訶薩云何行六波羅蜜時淨
菩薩道須菩提言有世間檀波羅蜜有出世
間檀波羅蜜尸波羅蜜羸提波羅蜜毗梨耶
波羅蜜禪波羅蜜般若波羅蜜有世間有出
世間舍利弗問須菩提云何世間檀波羅蜜
云何出世間檀波羅蜜須菩提言若菩薩摩
訶薩形作施主能施沙門婆羅門貧窮乞人須十四
食與食須飲與飲須衣與衣卧具牀榻房舍
香花瓔珞醫藥種種所須資生之物若妻子
國土頭目手足支節內外之物盡以給施施
時作是念我與彼取我不慳貧我為施主我
能捨一切我隨佛教施我行檀波羅蜜作是

施已用得法與一切衆生共之迴向阿耨多
羅三藐三菩提念言是布施因緣令衆生得
今世樂後當令得入涅槃是人布施有三礙
何等三我相他相施相著是三相布施是名
世間檀波羅蜜何因緣故名世間於世間中
不動不出是名世間檀波羅蜜云何名出世
間檀波羅蜜所謂三分清淨何等三菩薩摩
訶薩布施時我不可得不可得者施物不可
得亦不望報是名菩薩摩訶薩三分清淨檀
波羅蜜復次舍利弗菩薩摩訶薩布施時與
一切衆生衆生亦不可得以此布施迴向阿
耨多羅三藐三菩提乃至不見微細法相舍

利弗是名出世間檀波羅蜜何以故名為出世間於世間中能動能出是故名出世間檀波羅蜜尸羅波羅蜜有所依是為世間尸羅波羅蜜無所依是為出世間尸羅波羅蜜餘如檀波羅蜜說羸提波羅蜜毗梨耶波羅蜜禪波羅蜜般若波羅蜜有所依是名世間無所依是名出世間餘亦如檀中說如是舍利弗菩薩摩訶薩行六波羅蜜時淨菩薩道舍利弗問須菩提云何菩薩摩訶薩為阿耨多羅三藐三菩提道須菩提言四念處是菩薩摩訶薩為阿耨多羅三藐三菩提道乃至八聖道分空解脫門無相解脫門無作解脫門

內空乃至無法有法空一切三昧門一切陀
羅尼門佛十力四無所畏四無礙智十八不
共法大慈大悲舍利弗是名菩薩摩訶薩為
阿耨多羅三藐三菩提道

問曰五百阿羅漢佛各說其第一如舍利弗
智慧第一目捷連神足第一摩訶迦葉行頭
陀中第一須菩提得無諍三昧第一摩訶迦
拏延分別修多羅第一富樓那說法人中第
一今舍利弗何以故讚須菩提於說法人中

應最第一答曰佛以佛眼觀一切衆生利根
鈍根籌量一切法揔相別相隨其所得法各
記第一無錯富樓那於四衆中用十二部經

種種法門種種因緣譬喻說能利益衆生第一須菩提常行無諍三昧與菩薩同事巧便樂說一種空相法門勝富樓那譬如工師多有所能所能多故普不精悉如有人偏能一事則必盡其美富樓那雖多能不如須菩提常樂行空故能巧說空是故舍利弗聞須菩提巧說空義便讚言汝於說法人中應作第一舍利弗見須菩提隨所問皆能答如風行空中無所罣礙爾時須菩提不謙不受何以故安立平實好人相故好人相者不自讚不自毀於他亦不讚不毀若自讚身非大人相不為人所讚而便自美若自毀是妖諂人若

毀他是諛賊人若讚他是諂媚人須菩提說
無生法故舍利弗雖讚而非諂須菩提以舍
利弗實讚故不諱又以斷法愛故心不高亦
不愛著但答無礙無障因緣所謂一切法無
所依止無所依止故無障無礙無所依止義
如先說此中須菩提自說內法空故色不依
止內外法空故色不依止外中間無所有故
色不依止中間如色乃至一切種智亦如是
若菩薩知一切三界無常空故不中依止亦
時煩惱拍能淨菩薩道是故須菩提說菩薩
行六波羅蜜應淨色乃至一切種智問曰淨
色乃至淨一切種智即是淨菩薩道何以故

更問答曰菩薩能令色畢竟空是名清淨是
事深妙不可頓得是故舍利弗問新學菩薩
云何修是初方便道須菩提答若菩薩能行
二種波羅蜜六波羅蜜是初開菩薩道能用
無所得空行三十七品是開佛道淨者名為
開如去道中荆棘名為潤道何等是二種波
羅蜜形一者世間二者出世間大智度論卷五十三世間者須菩提
自說義所謂須食與食等是義如初品中說
若施時有所依止譬如老病人依恃他力能
行能立施者蕪實智慧心力薄少故依止依
止者已身財物受者是法中取相心著生憍
慢等諸煩惱是名世間不動不出動者柔順

忍出者無生法忍聲聞法中動者學人出者
無學餘者五波羅蜜亦如是是名初開菩薩
道問曰菩薩道即是阿耨多羅三藐三菩提
道何以更問答曰菩薩時有道佛已到不須
道是道為得阿耨多羅三藐三菩提故名菩
提道菩薩行是道故名菩薩道此中佛說遠
道所謂六波羅蜜菩薩道也近道所謂三十
七品菩提道也六波羅蜜中布施持戒等雜
故遠三十七品但有禪定智慧故近六波羅
蜜有世間出世間雜故遠三十七品三解脱
門等乃至大慈大悲畢竟清淨故近復次阿
耨多羅三藐三菩提道者從初發意乃至全

剛三昧其中為菩薩若行皆是菩提道

尔時舍利弗讚頌須菩提言善哉善哉何等波

羅蜜力須菩提言是般若波羅蜜力所以者

何般若波羅蜜能生一切諸善法若聲聞法

辟支佛法菩薩法佛法舍利弗般若波羅蜜

能受一切諸善法聲聞法辟支佛法菩薩法

佛法形大智度論卷五十三舍利弗過去諸佛行般若波羅蜜得阿

耨多羅三藐三菩提未來諸佛亦行般若波

羅蜜當得阿耨多羅三藐三菩提舍利弗今

現在十方世界中諸佛亦行是般若波羅蜜

得阿耨多羅三藐三菩提舍利弗若菩薩摩

訶薩聞說般若波羅蜜時不疑不難當知是

菩薩摩訶薩行菩薩道菩薩道者救一切衆
生故心不捨一切衆生以無所得故菩薩常
應不離是念所謂大悲念舍利弗復問欲使
菩薩摩訶薩常不離是念所謂大悲念若菩
薩摩訶薩不離大悲念令一切衆生皆當作
菩薩何以故須菩提一切衆生亦不離諸念
故須菩提言善哉善哉舍利弗汝欲難我而
成我義何以故衆生無故念亦無衆生性無
故念亦性無衆生法無故念亦法無衆生離
故念亦離衆生空故念亦空衆生不可知故
念亦不可知舍利弗色無故念亦色性無
故念亦性無色法無故念亦法無色離故念亦離色空故念亦空

色不可知故念亦不可知受想行識亦如是
眼乃至意色乃至法地種乃至識種檀波羅
蜜乃至般若波羅蜜內空乃至無法有法空
四念處乃至十八不共法一切三昧門一切
陀羅尼門一切智一切種智乃至阿耨多羅
三藐三菩提形無故念亦無乃至阿耨多羅三
藐三菩提大智度論卷五十三不可知故念亦不可知舍利弗十九菩
薩摩訶薩行是道我欲使不離是念所謂大
悲念尔時佛讚須菩提言善哉善哉是菩薩
摩訶薩般若波羅蜜其有說者亦當如是說
汝所說般若波羅蜜皆是承佛意故菩薩摩
訶薩學般若波羅蜜應如汝所說學須菩提

說是般若波羅蜜品時三千大千世界六種
擣動東涌西沒西涌東沒南涌北沒北涌南
沒中涌邊沒邊涌中沒尔時佛微笑須菩提
白佛言何因何緣故微笑佛告須菩提如我
於此世界說般若波羅蜜東方無量阿僧祇
世界諸佛亦為諸菩薩摩訶薩說般若波羅
蜜南西北方四維上下亦說是般若波羅蜜
說是般若波羅蜜品時十二那由他諸天人
得無生法忍十方諸佛說是般若波羅蜜時
無量阿僧祇衆生亦發阿耨多羅三藐三菩
提心

論者言舍利弗作是念須菩提所說分別六

波羅蜜世間出世間及菩提道大利益衆生
故歡喜讚言善哉善哉再言之者喜之至也
問是何波羅蜜力須菩提作是思惟一切心
數法中除智慧無能如是分別斷疑開導諸
波羅蜜中難般若波羅蜜自體不能成就何
況能分別開導如是思惟已答舍利弗是般
若形大智度論卷五十三波羅蜜力如先說諸法中無我無知者無二十
見者今以此證知是般若波羅蜜力非佛力
非須菩提力何以故須菩提說因緣所謂般
若波羅蜜難斷常有無二邊等故能生一切
善法所謂三乘法定相堅牢不壞相又般若
波羅蜜無量無邊故能受一切善法如大海

能受衆川萬流三乘善法者所謂六波羅蜜
乃至十八不共法十方三世諸佛行般若波
羅蜜故皆得阿耨多羅三藐三菩提雖行餘
波羅蜜般若波羅蜜最尊大有分別通達力
譬如和合下藥巴豆最有力般若波羅蜜亦
如是雖與餘波羅蜜合而破諸煩惱邪見捨
戲論般若波羅蜜力最勝以是故說皆是般
若波羅蜜力問曰種種讚此般若波羅蜜微
妙甚深誰能隨順應般若波羅蜜行答曰有
菩薩魚量世集諸福德利根諸煩惱析薄雖
未到阿鞞跋致地聞般若波羅蜜即時信受
深入通達如是相者則能行般若波羅蜜道

所謂救度一切衆生令離世間憂惱大悲心
故不捨一切衆生菩薩常不應離大悲及畢
竟空念畢竟空破世間諸煩惱示涅槃而大
悲引之令還入善法中以利益衆生今時舍
利弗難須菩提若菩薩不離是大悲念及畢
竟空念者一切衆生皆當作菩薩何以故是
形大智度論卷第三
畢竟空無相無所分別不應菩薩有而衆生
無若有一切衆生應共有若無菩薩亦應無
須菩提答汝欲難我而助成我義何以故諸
法相畢竟空故衆生亦空衆生空故畢竟空
念亦空若諸法畢竟空何有衆生實空而難
我言衆生不離是念皆當為菩薩是故說衆

生無所有故畢竟空念亦無所有衆生無性
衆生離衆生空衆生不可知畢竟空念亦空
色乃至阿耨多羅三藐三菩提亦如是

問曰此中念是不離大悲念何以說不離畢
竟空念

答曰菩薩不離是念心不捨衆生用無所得
故無所得空畢竟空名異而義一不可得空
在初畢竟空在後以畢竟空大故生悲亦大
大悲如阿差未經中說有三種悲衆生緣法
緣魚緣魚緣悲從畢竟空生以是解舍利弗
所難佛證其說故讚言善哉若欲解說般若
波羅蜜者當如汝所說尔時衆中天人菩薩

作是念般若波羅蜜甚深三世諸佛皆從中
生須菩提小乘人云何佛讚欲說般若波羅
蜜當如汝所說是故次言須菩提所說皆承
佛意正使彌勒等諸菩薩梵天王等不承佛
意尚不能得問何況須菩提在佛前自恣樂
說諸菩薩欲學般若波羅蜜亦當如汝所說
形 大智度論卷五十三
學說是品時三千大千世界地六種擣動者
亦二
是時會中多有菩薩發阿耨多羅三藐三菩
提心皆當作佛佛是天地大主地神歡喜我
主今生故使地大動復次人心信深般若波
羅蜜者難得希有故是人以福德因緣感大
風以動水水動故地動復次地下大龍王欲

來聽般若波羅蜜從水出故水動水動故地
動復次佛神力故令地動般若波羅蜜難見
難知欲引導衆人令益信樂故餘地動因緣
如先說此中佛自說因緣所謂我說般若波
羅蜜十方諸佛亦說是般若波羅蜜十二那
由他天人得阿鞞跋致地入法位是故地動
又十方世界衆生等亦發無上道意是故地
動今時諸天亦有散種種蓮花及種種雜香
天衣天蓋千萬種天妓樂諸龍王等從四天
海水中踊出及諸夜叉羅刹等皆生慈心合
手讚佛又佛笑時無量光明遍覆十方如恒
河沙等世界有尔所等希有事取要言之地

動皆由說諸法實相所謂般若波羅蜜故

大智度論卷第五十三

釋第二十五品

形

拯濟

上之忍反

挫

丁果反

劇

初使反

怨

讎

二字音寬酬

牀

榻

上床字下音塔

醫

正作醫

絰

上音吾蓋反

拊

先擊反

讒

助舍反

刑

棘

形

上音居

初

大智度論

卷五十三

三

咲

咲

下笑字古文

拊

先擊反

三

山城國綴喜郡新村

靈瑞山剛恩菴沙門宗桂書寫

